

Instrukcije uz obrazac JS3650 (godišnji izvještaj)

Vaš Godišnji izvještaj o plati, penzijskom osiguranju i naknadama je nova usluga Porezne uprave koja vrši naplatu doprinosa za penzijsko osiguranje i ostalih doprinosa od Vašeg poslodavca. Koristimo novi moderni sistem i Godišnji izvještaji osiguravaju tačnu evidenciju kako bi se zaštitili radnici i njihove porodice u FBiH.

Zaštitite sebe i Vašu porodicu. Socijalno osiguranje štiti Vas i Vašu porodicu kroz cijeli život. Zdravstveno i penzijsko osiguranje, kao i osiguranje u slučaju nezaposlenosti stoje na raspolaganju Vama i Vašim najdražim onda, kada Vam zatrebaju. Ovakvu cjeloživotnu potporu možete ostvariti samo ukoliko se vodi tačna evidencija o Vašem socijalnom osiguranju.

Tačnost će osigurati pružanje usluge. Uplate koje poslodavac vrši radi Vašeg penzijskog osiguranja će se direktno odraziti na iznos koji ćete Vi primati nakon penzionisanja. O uplatama za zdravstveno osiguranje zavisi da li ćete bolesno dijete odvesti liječniku ili ne. Ove usluge su značajne za Vašu porodicu i Vašu budućnost, zato sada obratite pažnju i detaljno pregledajte da li je u ovom Godišnjem izvještaju bilo šta izostavljeno i da li su možda sadržane pogrešne informacije, kako bi se to moglo ispraviti.

Ovdje smo radi Vas. Organizacione jedinice Porezne uprave će rješavati probleme građana vezane za evidenciju. Građani će imati mogućnost da, ukoliko se pojave nejasnoće, Godišnji izvještaj i kopije relevantnih dokumenata dostave u organizacionu jedinicu Porezne uprave. Ugovori o radu, platne liste ili bankovni izvještaji mogu olakšati provjeru koju vrše kako bi se uklonile greške u Vašoj evidenciji.

Godišnji izvještaj o uplaćenim doprinosima pokriva proteklu godinu zaposlenja od januara 2011. do decembra 2011. Možda iznosi uplaćenih doprinosa neće biti isti za različite mjesece. Razlog tome je što svaki mjesec ima od 20 do 23 radnih dana, a i prekovremeni rad je ovdje uključen.

Ukoliko imate nekih nejasnoća, pozovite broj Porezne uprave (033) 289-800 ili nas posjetite online <http://www.pufbih.ba/>

Kako biste ispravili greške u Godišnjem izvještaju, potrebno je podnijeti obrazac JS3540 koji možete dobiti u ispostavama Porezne uprave ili odštampati sa naše web stranice.